

持心梵天所問經卷第一

一名莊嚴佛法經  
卷等海諸法經

及七

明網菩薩光品第一

西晉三藏竺法護譯

聞如是一時佛遊王舍城迦隣竹園中與大比丘衆俱比丘六萬四千菩薩七萬二千一切大聖神通已達遠得揔持辯才無礙三昧已定慧無所畏曉了諸法自然之行得不起法忍其名曰溥首童真寶事童真寶印手童真寶首童真空藏童真發意轉法輪童真明網童真際諸陰蓋童真一切施童真勝藏童真蓮華行童真師子童真月光童真尊意童真自嚴童真賢護之等十六正士賢護寶事

人悉來集會彼時世尊與無央數百千之衆眷屬圍遶而爲說法於是明網菩薩即從座起偏袒右肩長跪又手稽首佛足尋時感動三千大千世界普雨雜華散衆會上白世尊曰唯問正覺愚癡所趣若哀聽者乃敢自陳佛告明網恣所欲問諸眩惑者如來至真當爲解說悅可爾心明網菩薩得聽所啓即白佛言雖然世尊如來儀像光觀難當超於日明億百千倍姿顏威嚴而不可逮極上窮下無能諦瞻尊逮所修莫能計量又我自念其有得見至真容體思察所行皆佛大聖威神所接有所興發輒到永安世尊告曰明網菩薩誠如所云見如來身必獲志願不失所饒不虛見不置遠不損意善導曰藏持地如是之類七萬二千四大天王天帝釋帝釋翼從忉利諸天焰天兜術天不憍樂天他化自在天諸梵天等梵身天及餘諸天并龍鬼神捷沓和阿須倫迦留羅真陀羅摩睺勒人與非

聖王諸所德行又如來光名清淨了設值斯光能啓問佛獲致帝釋所因生事又如來光名逮威然錠設值斯光能啓問佛生梵天事又如來光名脫欲塵門設值斯光能啓問佛聲聞之乘又如來光名曰專一遵儉怕行設值斯光能啓問佛緣覺之乘又如來光名曰及七二

一切慧持讚容設值斯光能啓問佛大乘之慧正覺佛慧又如來光名曰樂持異步設值斯光如來遊步經行普獲安隱壽終之後得生天上又如來光名嚴一切清淨瓔珞如來入城若放光明設值斯光一切獲安應時彼城衆寶瓔珞自然莊嚴又如來光名曰壞除

假使如來演斯光者感動無量不可稱限諸佛世界舉要言之復次明網如來光明名曰積安若地獄類值斯光者衆惱苦患自然休止又如來光名曰超慈若禽獸類值斯光者未曾興惡轉相危害又如來光名曰濟所造餓鬼儻倫值斯光者不復飢渴又如來光名

曰離垢假使盲者值斯光明逮得眼目又如來光名曰耳聞值斯光者聾者得聽又如來光名曰有志設值斯光亂者得正又如來光名曰樂定設值斯光自然改惡修立十善又如來光名曰脫門值斯光明今邪見者逮獲正見又如來光名曰趣天值斯光者今慳貪類好喜惠施又如來光名無熱惱設值斯光其犯惡者奉持禁戒又如來光名曰持心諸瞋恨者逮得忍辱又如來光名曰慇懃其懈怠者逮得精進又如來光名曰正定其放逸者獲致禪定又如來光名曰顯曜諸惡智者逮得黠慧又如來光名曰清澄其狐疑者逮得篤信又如來光名曰摶持其少智者今得博聞又如來光名遵句跡其無慚愧逮知羞恥又如來光名曰滅除其貪婬者洒釋情態又如來光名曰安樂使瞋恚者無有怨害又如來光名曰照耀令癡行者除去愚冥又如來光名曰普存令等分行悉捨等分又如來

及七三

得篤信又如來光名曰摶持其少智者今得博聞又如來光名遵句跡其無慚愧逮知羞恥又如來光名曰滅除其貪婬者洒釋情態又如來光名曰安樂使瞋恚者無有怨害又如來光名曰照耀令癡行者除去愚冥又如來光名曰普存令等分行悉捨等分又如來

光名曰普現色身假使衆生值斯光明見諸如來無央數色不可計數百千形像

佛告明網今吾爲汝粗舉其要耳假使一劫若復過劫咨嗟講說如來光明論闡經法不能究盡如來光明光明名号明網菩薩白世尊曰至未曾有天中之夫如來之身不可限

量魏魏之德不可思議隨宜方便敷演經法昔所未聞今乃被蒙其有菩薩聞說斯光名號歡喜而信樂者皆當逮得如如來身魏魏具足又聞世尊演出如來佛所有光名曰勸化諸所遊在地方與國菩薩大士轉相誘進相誘進已盡今來會於斯忍界其有菩薩欲

所諮詢便詣如來請問經疑

爾時世尊見明網菩薩所可諮詢即如其像放身光明普照無量佛土不可稱限諸佛世界又其光明招請無數億千菩薩尋會忍界於時東方去是七萬二千諸佛世界國名清淨佛号月明如來其佛之土而有梵天

名曰持心菩薩大士而不退轉聖慧神足力自娛樂時彼光明適勸進已則自往詣月明如來至真等正覺所稽首禮足而白佛言唯然世尊欲至忍界奉見能仁如來至真等正覺稽首供侍諮詢所問忍界聖尊欲得見我其佛告曰便往梵天宜知是時與無數億諸

菩薩衆尋至忍界又謂梵天雖至忍界即當奉行十志性行何謂爲十當受言無言善聞惡聞善與不善一而行悲哀二而等授療下賤中上三若輕易恭敬則一心向四不見他闕不求瑕穢五等以一味於若干乘六而不恐畏惡趣之聲七於諸菩薩與衆祐想八於

及七

四

五獨世佛之國土想九如見如來等正覺十是爲十事佛言梵天懷此志性可遊彼土於是持心白其正覺我於佛前不敢發音爲師子吼不於緣行現奇特相唯欲淨修志性之行等立定意乃遊彼土時月明佛諸餘菩薩而歎頌曰吾得善利唯然世尊爲獲嘉慶不

生彼界衆生患難勞集乃然月明世尊告諸菩薩諸族姓子勿作斯言所以者何於吾之土設百千劫淨修梵行不如忍界從旦至早食不行害心斯爲殊勝於時彼土萬二千菩薩俱誓願曰吾當具足清淨志性各共侍衛梵天大士造觀能仁如來至真等正覺持心

梵天即與萬二千菩薩如勇猛士屈伸右臂斯須之頃於其佛土忽然不現則立忍界奉見能仁稽首于地退住一面於是世尊告明網曰汝乃覩見持心梵天乎對曰已見大聖即言斯持心者曉了方便詔啓幽滯分別尊法辯才善妙名冠開士衆會之最慈哀至誠導利勸化遊居所在多所悅可於時持心萬二千菩薩稽首禮畢遶佛三匝各以神力則化作座自處其上持心梵天又手白佛以頌讚曰

其妙音聲所在通達威德流闡聞于十方在所國土見諸最勝一切咨嗟大聖之行

我處異土清淨無垢其界無有惡趣之名尋而捨離如斯佛土修濟大哀故來到此佛之聖慧無有損耗一切如來皆悉平等來今往古降伏志性將護如是諸佛國土恢設異行一切清淨嚴修至戒常遵梵行其懷害者報之以慈心意如是而有殊特以能清淨三品之業而順將護身口心意三趣之患勤苦諸惱現在爲法皆以滅盡若諸菩薩其生於斯此等未曾懷貳危懼所造之業至於惡趣上下道足皆已永除其有菩薩心設患厭將御擁護于斯正法此等後世所處之地不失其志不離智慧其欲斷截衆結之縛假使淨除塵垢之欲則當將護佛土之法則便超越至諸通慧設異佛土無數億劫執持正法若講說者不如忍界說經至食是爲殊勝則第一尊吾亦覩見妙樂世界及復省察安樂佛土彼無苦惱衆患者聲設若修善不足爲性

假使蠲除衆塵勞室愚凶害人常忍所加當以經法勸化他人今至上道此乃甚難當稽首彼無上之尊行于愍哀脫勤苦法斯未曾有如來所行心懷毒者開化以法設入衆會則爲導師是菩薩者十方聞名於法無狀猶如巨海故爲彼說斯佛之道

帝釋梵天及護世者諸天龍神須倫真陀無數悉來等集于斯欲求經義從志解說比丘丘尼清信士女普皆來臻於此衆會願佛爲普講說經法若有聞者所趣吉祥假使志願信好導師聲聞之乘及與緣覺能仁悉了隨志化治唯爲斯黨決一切疑今吾勸進諮詢法王爲衆生故志求佛道其立佛言而不斷絕以修慈心爲無量寶假使十方聞佛名德勇猛逮得無量之慧當爲斯等說無比行隨其衆生所知志跡非諸聲聞弟子之地一切緣覺所不能及余等信樂最勝所度出尊之慧不可思議

及七

六

鄙自歸命於世導師今願諮詢大聖此義假使有狀心惡勞患唯爲解說佛之要道持心梵天所問經四法品第二

於是持心梵天說此偈讚佛已長跪又手前白佛言何謂菩薩志性堅強意不懈怠何謂菩薩所言柔和辭無惱熱何謂菩薩所造德

本超諸衆生何謂菩薩威儀安詳而不卒暴何謂菩薩於清白法多所長益何謂菩薩所至土地遊步究縛何謂菩薩在於衆生行權方便何謂菩薩於彼等倫分別教化何謂菩薩能護道心何謂菩薩專在衆生心不憒亂何謂菩薩務求善本存在法義何謂菩薩曉了所念而不捨信何謂菩薩於諸塵勞部分開化何謂菩薩所入衆會能行權便何謂菩薩恢闡法施流演剖判何謂菩薩知報應力失德本者何謂菩薩暢達方便存於禪定何謂菩薩於諸佛法而不退轉何謂菩薩未嘗違

發諸佛言教

佛告持心梵天善哉善哉乃能詣問如來如斯之義諦聽諦聽善思念之甚哉世尊願樂欲聞持心梵天受教而聽佛告梵天告薩有四事法志性堅強而不懈怠何謂爲四愍哀衆生不厭精進終始如夢平等佛慧是爲四

及七

七

復有四事所言柔和辭無惱熱何謂爲四菩薩專一以一人故分別諸法菩薩專一不樂一切諸趣所生菩薩專一讚揚大乘菩薩專一講說清淨不失淨業是爲四又有四事所造德本超諸衆生何等四禁戒博聞布施捨家是爲四又有四事威儀安詳而不卒暴何等四無利無譽無名無苦是爲四又有四事於清白法多所長益功德之本何等四具足行信勸於他人假使布施不望其報將養護法爲諸菩薩廣說慧地是爲四又有四事所至土地遊步究縛何等四興起德本棄諸瑕穢曉了勸助慇勤精進是爲四又有四事在

於衆生行權方便何等爲四順從衆生勸他德本悔過罪疊解說佛事是爲四又有四事於彼等倫分別教化何等四愍傷人物習已安隱忍辱安詳謙不嬌慢是爲四又有四事能護道心何等四意常念佛一切德本至於道心習近善友咨嗟大乘是爲四又有四事專在衆生心不憒亂何等爲四不爲聲聞心若緣覺心求法無厭如所聞法爲他人說是爲四又有四事務求善本存在法義何等四除去一切塵勞之病猶如醫王順於德本而不違失諸義道相滅羣黎苦志泥洹義是爲四又有四事曉了所念而不捨信何等四興不起忍超不滅忍緣起報忍無所住亦無異心汲汲之事是爲四又有四事於諸塵勞部分開化何謂四所念順義將護禁戒曉諸法力樂處燕居是爲四又有四事所入衆會能行權便何等四志樂法義不求他短而行恭敬無有憍慢求索善德不爲己施所造德

本勸施他人是爲四又有四事恢闡法施流演剖判何等四將護正法化已及彼使入智慧修正士業示現塵勞瞋恨之結是爲四又有四事知報應力失德本者何等四終不覩見他人瑕闕奉行慈心攝諸瞋怒顯揚報應於諸法事常念道心是爲四又有四事曉於

及七

衆生不起之慧六度無極何等四則以布施如爲莊黨并化他人曉了四恩化於衆生好喜深法順於經典是爲四又有四事暢達方便存於禪定何等四分別心事罪福所趣勤力德本不捨衆生修行權慧是爲四又有四事於諸佛法而不退轉何等四將護無量生死之患供養奉侍無數諸佛而常遵修無限慈心曉了無際諸佛之慧是爲四又有四事未嘗違廢諸佛言教何等四不釋本慧言行相應捐棄重貪若建立者處於本性是爲四出尊發遣說四事時二恒河沙諸天子等皆發無上正真道意五千人得不起法忍此諸

菩薩各從無數佛國來會者供養世尊三千大千世界皆悉周遍華至于膝

持心梵天所問經分別法言品第三

於是明網菩薩謂持心梵天曰仁者乃問順妙尊義曉了菩薩方便之趣佛分別說何謂菩薩有所問事而應順義持心答曰等於吾

我而問事者爲順義問等問他人行之所操爲應順也等問法像爲應順也又明網不計吾我等不計他等不計法等是爲應順也其問起生其間滅盡若問處所爲應順也設有問者法無所起及與滅盡處所之行爲應順也若問他人塵勞之欲若有問閻諍顛倒爲

及七

應順也其問生死問度生死問於無爲爲應順也其不問塵勞亦不顛倒亦不生死亦不度生死亦無泥洹爲應順也所以者何察諸法者亦不寂然不除欲垢顛倒生死無爲爲應順也其問所獲爲應順也設復有問有所造證若有約時有所除斷若有所行爲應順

也若有不問所得受證衆想之念不以約時而無所著無斷除想亦無行見爲應順也爲一切故而發是問心無所著志不存問爲應順也其有而問斯衆德善爲如應順斯不善德爲不如應斯爲俗事斯爲度出斯爲罪事斯無罪業斯爲諸漏斯爲所有斯無所有其

有作是二事問者計此一切爲不應順也其不二事不見二問爲應順也其有若干視諸佛者爲如應順計法若干爲如應順聖衆若干爲如應順衆生若干國土若干爲如應順道乘若干不想若干爲如應順法無所屬無有若干而問一義爲如應順一切法如應一

切法無應又問梵天何謂一切諸法爲如應順一切諸法爲不應順答曰能分別者一切諸法諸法如應假使心法其心精進彼不應順計一切法諸法相寂空無所有爲應順也其不欣樂寂然法者爲應順也此專精業所當造者斯在憍慢斯有所作如斯行者亦復

哀世尊不有云乎其聞於佛所說法者若行精進便當如說而奉行之終不復歸於土地處所有所獲致其不歸趣無復生死不至泥洹所以者何世尊所了無有生死亦無泥洹又問梵天佛者不度生死業而說法乎答曰世尊寧復自說吾度生死乎答曰不也故族姓子佛世尊者不捨生死不求泥洹設有生死泥洹之想則不度二彼無生死何所度者不得泥洹所以者何不等生死至泥洹乎梵天答曰亦不生死亦無泥洹也於是世尊讚持心梵天曰善哉善哉梵天欲有所說當作斯說乃爲是說說是應順語時二千比丘漏

及七

十

盡意解梵天不復得於生死亦無泥洹如來說言示有生死無周旋者亦無滅度亦無所憂亦不見人有滅度者設使梵天入此義者則於其人無生死法無泥洹法於是衆會五百比丘即從座起私竊而去而說此言吾等見中淨修梵行心自念言當得滅度而無有人得滅度者空復志求學斯道平安成慧耶

於是明網菩薩前白佛言唯然世尊假使欲令法起生者則於其人佛不興出彼不超度生死之難也天中天求見泥洹故唯天中天所謂泥洹蠲除一切衆想之念亦不汲汲於諸通慧爲行出家墮外邪見而以志覩泥洹之麁譬如麻油酪酥醍醐然卽滅盡諸法世尊永悉滅度其求滅度若則謂之爲甚慢矣唯天中天其修行者則無所修逮平等者終不造立所起之法及與滅盡亦無有求欲得法者亦無平等

於是明網菩薩謂持心梵天梵天說此五百

及七

十一

比丘聞所說法即從座起私竊亡去知斯等類意之所趣何不入法其有信樂若以度脫於諸見網持心答曰族姓子汝往遊至江河沙等諸佛國土劫數求索不能得離如是像法亦無有脫譬如意子畏於虛空而馳走在所至處不能離空此比丘等亦復如是正使遠行不可稱限空相自然無相之相亦復自然無願之相亦復自然猶如復有第二士夫求於虛空八方上下欲得於空心自念言我欲得空我欲得空所欲遊至口自說空而不知空言與其身行於空中而不覩空如是族姓子斯諸比丘求於滅度行於泥洹而來滅度不解所入所以者何所謂言曰得滅度者但假号耳猶如虛空若有行空經遊虛空所言亦空其泥洹者假託言耳

於是五百比丘聞說是語漏盡意解逮得神通各數頌曰唯然世尊一切諸法皆悉滅度假使有人求滅度者則於其人佛不興世我

等大聖非爲凡夫亦無所學亦無不學不生死不況洹無滅度法所以者何又諸通慧我等已離所有道慧與諸佛法於是尊者舍利弗謂諸比丘曰仁等已得造立入於斯慧自獲利耶答曰吾等已入造於塵勞而無所作又問何故說此諸比丘曰唯舍利弗設斷塵勞便入欲塵不欲滅度由是之故吾等說言已得入矣造於塵勞而無所作舍利弗言善哉善哉族姓子當咨嗟之諸仁所立衆祐之地諸比丘曰唯舍利弗仁者世尊亦復是鄉不淨衆祐何況我等至清淨乎又問此言何謂諸比丘曰佛知諸法界本悉清淨

於是持心梵天白世尊曰唯然世尊何謂世之衆祐佛告梵天不爲世法之所迷惑不耻世法又問世尊云何淨衆祐之事乎答曰若於諸法無所受故又問誰爲世間之福田乎答曰若有不失佛道故又問何謂衆生之善友答曰不捨一切羣黎故又問誰於如來

有反復乎答曰其不違廢佛教命者又問何謂奉事如來乎答曰其曉了解不起際故又問何謂親近如來行乎答曰寧失身命不毀禁戒故又問何謂恭敬於如來者乎答曰設使行者將養諸根故又問何謂世間大財富乎答曰七寶滿具故又問何謂於世知足者乎答曰其已逮得度世智慧故又問何謂曉了乎答曰其於三界悉無所願故又問何謂諫喻於世乎答曰其有休息一切結縛故又問何謂處世而安隱乎答曰其不會者無受財故又問何謂不貪乎答曰無有陰蓋故又問何謂離於陰蓋乎答曰捨於六入亦無所釋故又問何謂已過乎答曰曉了道慧故又問何謂菩薩爲布施主乎答曰勸化一切衆生之類入諸通慧心故又問何謂禁戒乎答曰不捨道心故又問何謂爲忍乎答曰見心滅盡故又問何謂精進乎答曰若求於心不得處所故又問何謂一心乎答曰心休息故

又問何謂智慧。平焰曰於一切法無音聲故。  
又問何謂菩薩行慈者乎。答曰不隨一切諸  
想行故。又問何謂菩薩行哀者乎。答曰無諸  
法念故。又問何謂菩薩行喜者乎。答曰不計  
吾我故。又問何謂菩薩行護者乎。答曰不計  
彼我想故。又問何謂菩薩立篤信乎。答曰不

从七

十三

捨諸法清白故。又問何謂菩薩博聞住空者  
乎。答曰不倚一切音聲故。又問何謂爲愧。答  
曰曉了內法蠲除故也。又問何謂爲慚。答曰  
不習外事故也。又問世尊何謂菩薩普無不  
入。於是世尊以頌答曰。

其身清淨不犯衆惡 口言清淨常說至誠

秉意清淨常行慈心 斯謂菩薩普無不入  
遵修慈行不倚染塵專於哀行無有恚害  
加以仁護無有愚癡斯謂菩薩普無不入  
若遊聚落閑居亦然 聚邑燕處衆會無差  
未曾違失威儀禮節 斯謂菩薩普無不入  
皆悉遍信諸佛正法 又常樂喜無我之典

悅喜聖衆無所有義斯謂菩薩普無不入  
脫於色欲不知所行度於瞋惄亦無所度  
曉了衆行之所歸趣斯謂菩薩普無不入  
亦不造著於欲之界亦不住立於形之界  
不著無形皆亦如是斯謂菩薩普無不入  
信樂諸法一切悉空然而衆生馳騁思想  
由是之故不盡諸漏斯謂菩薩普無不入  
方便曉了緣一覺乘示以音聲而教化之  
於佛大乘靡不達了斯謂菩薩普無不入  
一切皆知所當至處未曾違失導師之教  
常行等心於諸僧愛斯謂菩薩普無不入  
未曾想念過去之法當來現在亦復如是  
一切遊居無所億著斯謂菩薩普無不入  
於是持心梵天白世尊曰何謂菩薩度於世法  
不處世法現入於世度脫衆生於世間法示現  
世間平等世法因緣遊世雖處於世不壞世  
法不失道法於是世尊尋時歎頌答持心曰  
吾說世五陰於世無所著以不貪著世

諸陰爲無本  
嗟歎若謗毀  
彼用大智慧  
道意不可動  
堅住如大山  
及七

菩薩能了彼  
不著世間法  
有名若無名  
雖遊於世法  
得利不以悅  
無能動搖者  
十四

解知世自然  
有利若無利  
恥世苦樂法  
不見世所食  
棄捐亦不感  
嗟歎若毀訾  
綜了所至處  
勇猛雖遊世  
分別了法性  
故遊於彼間  
不生於世間  
堅住於等心  
不生於世間  
亦無虛空相  
隨方俗所知  
不毀敗於俗  
其不曉了者  
不起無所有  
其不了世法

吾未曾預世  
部分自然法  
通了世平等  
逮得於教會  
諸法誠審者  
度世無二法  
則無虛無實  
遠成大名聞  
假有觀俗者  
現在十方者  
若剖析因緣  
設分別講世  
不與世間俱  
假名遊於世  
其樂於忍者  
若持如比法

斯虛妄無誠  
亦無所諍說  
法者無所諍  
不虛無至誠  
假使爲益害  
無實無有虎

常立處二相  
佛以是之故  
兩舌若誠諦  
與外道無異  
是故世尊說  
斯爲方俗注  
爲世之光明  
清淨無瑕穢  
諸法無自然  
則見等正覺  
其能解達法  
雖行世間事  
則能別導師  
一切不及此  
佛滅度之後  
導師之法身  
更非爲世尊

導師之所知 設弊魔波旬 不能得其便  
若在於人間 廣說斯經者 是黨大智慧  
主布施一切 戰禁爲具足 遊步於精進  
斯度忍力勇 聰達樂禪定 說佛空無法  
分別於世間 其聞斯等類 大士不復久  
處道場降魔

持心梵天所問經解諸法品第四

佛復告持心梵天如來已度世間境界示世  
俗教習樂於俗欲度於世樂滅方俗是謂世  
間之五陰也其自念言世我所滅盡於世求  
於五陰遊於道者則名曰二所慕之徑復次  
梵天所以名曰五陰者何其五陰者方俗言

耳求諸見故捨受方俗其所見者自然之想  
斯則名曰爲滅盡也滅盡向道不受諸見則  
爲滅俗欲向正道是故梵天佛說斯言世有  
三刺之門及三重擔習俗於世滅盡於世間  
而求度脫

於是持心梵天白世尊曰假使如來說四諦

事諦何所歸佛告梵天是爲苦諦集諦斯非  
聖諦是爲盡諦斯非聖諦向道之諦斯非聖  
賢諦所以者何假使諸苦爲聖諦者一切牛馬  
驃驥大豕畜生齧黨采獲聖諦若以諸集爲  
聖諦者一切五趣所生羣黎當獲聖諦若以  
苦盡爲聖諦者一切衆生見斯滅事便當悉

除獲致聖諦至由道諦一切有爲悉當獲致  
賢聖之道勢力聖諦以是之故梵天觀察苦  
集盡道以爲聖諦其有曉了苦無所起斯謂  
聖諦其人行集者不爲聖諦其滅盡法不起  
不滅斯謂聖諦假使平等一切諸法而無有  
二等於徑路斯賢聖諦佛告梵天所以曰諦  
及七

十六

無有虛者何謂爲虛自計有身而念有人而  
憊有壽而言有命著於男女倚於三有離於  
所有恃於所起依於所滅受於生死枯於泥  
洹是謂爲虛此諸所受於諸所受無所依倚  
亦無所求斯謂爲諦欲除苦者則名曰虛滅  
於集者斯亦爲虛吾當盡證是亦爲虛修行

徑路亦復爲虛所以者何佛所教化八道品者若四意止斯亦謂虛又問何謂佛之所教所當思者答曰無意無念一切諸法亦復如是斯乃名曰佛之所教所當思者爲四意止則無所住不處諸想已不住於一切想者則住眞際已住眞際則無所住意無所處意有所住則不爲實名曰爲虛以是之故當作斯觀無實無虛乃爲聖諦審者爲諦所謂諦者無所生無所諦如來雖興爲無所起如來亦不住於法性及與泥洹也亦無生死常審諦定所以者何其聖諦者無有生死亦無泥洹佛言梵天若有順時證斯四諦名曰正諦

佛告梵天將來之世當有比丘不能慎身不護禁戒不能制心不精智慧而當講說發生苦諦謂趣集諦馳騁於斯壞於三有諸所生處又說當求行於徑路是謂二諦馳騁其行是等愚獵吾則名之異學薰黑非佛弟子非我聲聞志趣邪徑破壞正諦而自放逸吾處

道場佛樹下時不歸誠諦亦無虛妄佛於諸法亦無所趣以是之故求如來法勿觀二事勿言有二爲二門也白曰不敢也天中天答曰是爲顛倒迷惑之道不能蠲除一切所趣於是持心曰世尊曰如來之法而無顛倒亦無所得所以者何如來速成佛時所号名曰平等覺者爲何謂耶答曰於梵天意所察云何佛所說法爲有爲無爲實爲虛答曰爲虛天中天無所有也安住至聖又問梵天其虛無法爲有所住爲無所住答曰天尊其虛無者亦無所住亦無不住又曰云何梵天而於諸法亦不有住亦不無住大聖報曰云何得

道答曰彼無得道告曰梵天如來坐於樹下處在道場曉了欲塵所處顛倒本常清淨空無自然所曉了者如無所了亦不不了所以者何以是之故吾所了法逮正覺者無見無聞無念無知無受無著亦無所趣皆以超越一切諸性無言無辭無字無句亦無言教如

是梵天諸法如空而爾欲得逮諸法乎答曰  
不也天中天又復世尊諸佛大聖甚不可及  
至未曾有具誠諦法諸佛世尊至有大哀分  
別曉了寂然之法而以文字爲他人說其有  
信樂如來說法立諸德本具足所當斯等衆  
生則於諸佛無有罪咎所以者何一切世間

悉共信之志無所著又天中天世人信法法  
是我所倚俗著法法無實無虛無法非法而  
世俗人依倚泥洹於斯察之無有終始亦無  
泥洹俗倚善德無有善德亦無不善俗倚安  
樂無苦無樂俗倚佛興佛亦不生亦不滅度  
又復說法當得審諦顯揚聖衆以無爲事而  
爲審諦其經典者於世可信譬如假喻從水  
生火從火出水悉因緣合佛言如是覺了塵  
欲則成佛道所由因緣所以者何如來所因  
覺了塵勞成正覺者無遠正覺既有所說而  
不見色亦無所念亦不造二亦無所證不得  
滅度亦無寂然唯然世尊若族姓子族姓女

及七

六

設有曉了信斯法者則能蠲除一切諸見而  
得解脫當爲稽首歸命作禮奉若如來於過  
去佛已爲造行則爲善友所見攝護志樂微  
妙殖衆德本已爲逮得安諦之藏攬持法府  
則滅衆罪建立道業則致貴姓摶持如來言  
教之宗則爲大施放捨塵垢則獲戒力無受  
欲力則致忍力無疆恚勇爲精進力而無懈  
默爲禪定力棄除罪業爲智慧力捨離邪見  
一切諸魔莫能迴動仇敵怨讐無得勝者終  
不誑惑於世間人所言至誠講說曉了諸法  
本淨則爲真實說究竟法則爲如來之所攝  
護則樂仁和遊居安處則爲財富於賢聖業

則知止足於賢聖行善見長養殷勤供事則  
當見信度於彼岸爲志脫者而勗勵之樂得  
脫者即令免濟無所依者而使憑附樂無爲  
者從得泥洹樂於道者爲具數弘慕超越者  
而爲示現又諸方術則爲醫王一切病者爲  
設良藥致於智慧則爲力援逮獲勢勢以爲

歡樂得出自在不依因人亦不從受無有恐懼衣毛不豎如師子步致得妙乘爲如神龍安和其心猶如調象遊在衆中若如神仙則致勇猛降伏怨敵遊于大會志彊無懼意果自恣而無所畏所說正諦悉無有難觸塵勞法如月盛滿智慧光明如炬遠照如日之昇

及七

十五

無所不耀滅除衆冥若如庭燎離於諸著無有增減持行如地衆生仰活猶若良田百穀滋植洗一切垢譬若如水滅除諸想猶若如火於一切法而無所著猶若如風不可動搖如須彌山志性堅強猶若金剛鐵圍之山諸外異學莫能當者聲聞緣覺無能及者以法等味譬言若如海則爲度師蠲除一切塵勞之渴慕求經法未嘗厭足則於智慧而無充溢則爲聖皇而轉法輪顏貌殊特如天帝釋心得自在有如梵天演法雷震猶如天陰爲雨甘露如霖洪澤則得長益根力覺意則得超度生死之患便得進入於佛聖慧則得遠近

致佛正道當獲博聞無有倫匹以過於量悉無有量智慧辯才而無等侶逮得抱持志性堅強意達聰明覩羣生性循觀諸法其志果暢常行慈愍哀世間人已得超度世俗之事行無所著猶如蓮華不爲俗法之所染汙諸明智者悉愛敬之諸博聞者多信從之爲衆智士常常所恭順諸天世人悉奉事之諸禪思衆稽首爲禮諸聖賢衆咸來宗侍聲聞緣覺所共欽嘉則好遠離土地之行則無詔飾不貪利養威神巍巍履賢聖跡端正殊雅色貌難及威曜光光不可稱究則以相好而自莊嚴則能執持佛之言教則能順護諸法訓典亦能將濟聖賢之衆便常逮見諸佛正覺因當速成諸佛之眼而爲諸佛所見授決則當獲致具足三忍尋當得坐於佛樹下便能降伏魔及官屬得諸通慧而轉法輪則能興發造諸佛事趣於深法不恐不畏不難不憚唯天中天吾於一劫若復過劫咨嗟顯揚斯正

士等不能究竟得其邊際所行至德諸佛之道深妙若茲難受難解不可覩見難曉難了若有受持而諷誦讀便復奉行若能廣演普令分布於彼法說則能立衆第一篤信也佛告梵天仁所咨嗟諸正士者至真之德安能究盡不能及知如佛所究如來則以無礙

及七

廿

之慧申暢其德爾乃達了究盡之耳如來所說句義旨趣斯諸正士悉當了達而普順從不爲逆亂所爲至誠不爲迷惑悉建正義志不馳騁於嚴飾事曉如應辭猶若如來所演言教譬若大聖講誠諦法又若如來所說法者復超於此嚴飾章句不能究盡覺了所有無循無逆無制無通爾乃達義而不放逸在於嚴飾不循言辭之所知也設無言辭則是如來說法之辭如來所可講說經者方便宣法如來加以興無極哀而爲衆生敷陳經典佛告梵天假使菩薩能分別了如來五力所因療治是爲菩薩則能建立造諸佛事又問

世尊何謂如來五力所療大聖答曰謂法言辭一入如應說善權方便二光顯於法三不失句義分別道跡四入於大哀五佛言梵天是爲如來五力所療一切聲聞緣覺之等所不能及又問世尊以何言辭如來演教世尊告曰過去當來現在之教欲塵之語顛倒之言世俗

度出有漏無漏所著無著有罪無罪所有無有我人壽命逮造證辭周旋生死滅度之辭是爲梵天諸所言說斯衆辭者觀辭如幻無所成故觀辭如夢見無實故觀辭如響報應緣對聲故觀辭如影現緣合有故觀辭如鏡像照現故觀辭如形印之有故觀辭如焰顛

及七

廿

倒見故觀辭如空所有盡故觀辭無言不可得故佛語梵天假使菩薩能曉了此諸法言辭是菩薩者乃能講說諸法言辭又於諸法無所依倚以無所倚則能逮得無礙辭才以能逮得無礙辭才則能爲諸聖礙之衆顯曜平等亦與同處講說經法而不躡礙於一切

辭不壞法性遊諸言辭及所破壞悉無所倚設使梵天如來所說顯無言辭則爲講法梵天欲知何所菩薩而於如來行誠諦事善權方便于斯梵天如來於塵而現結恨又於結恨而現塵勞菩薩悉當曉了彼趣何謂梵天如來於塵而現結恨塵勞自然等無差特故

又於結恨而現塵勞依於結恨而行惠施泥洹清淨謂諸愚顛不能曉了衆惱之患故又彼菩薩曉了所有布施之事後世大寶故則無所趣者則曰無爲禁戒泥洹悉無所有亦無所行故忍辱無爲虛無所有故精進無爲遵修意故禪思無爲無所悅故智慧無爲逮

得相故於欲離欲之本際者法性無欲故瞋恚本際計於法性無結恨故愚癡本際計於法性無愚癡故生死無爲之本際者則無所生其無爲者不倚生死至誠虛妄所見言辭虛妄至誠則致慢恣復次梵天如來次第而因真諦隨其因緣而計有常知有吾我則爲

斷除非義之事其邪見者而無篤信興造反業今知反復去於無信悉除所願邪見身者如來悉知便爲斯等分別說之見所應者如來則爲說誠諦教假使衆生棄捐貢高自大事者如來則以己誠諦教而講說之是爲梵天如來至真至真言教菩薩於彼則當曉了

斯方便行設使歸此一切所說權方便者如來興者便得解脫於非邪事而篤信者則見諸色之所報應而起衆生便因如來得解脫也若演法身便爲如來真諦之辭解脫邪法而行篤信因法而度敬文字者衆生之類不爲說此脫邪見法未曾信斯亦無所得亦無

乃至

廿七

差別言有泥洹則爲邪信處於顛倒塵勞無爲無有滅度斯則爲信而得解脫無所生法不壞諸法言有人者則爲邪信入於寂然而欲度者便無有人其邪信者即自解說真諦之事是故梵天於斯菩薩不能曉了真諦言辭權方便者於一切音無所恐畏爲無量人

衆生之類開導利義于彼梵天如來至真以何方便爲衆生說法其布施者得大富有持戒生天忍辱端正精進獲明若禪思者致悅不亂學智慧者滅除塵勞愛欲之著若博聞者疾遠智慧行於十善乃得麁天及在人間行慈悲喜護致昇梵天觀察寂然憺怕獲果

致遠學地得不學地緣覺之地清淨衆祐佛之道地所示現慧無有邊際等於泥洹滅一切苦佛言梵天吾則應時善權方便爲諸衆生布告顯示如是像法如來未曾心懷衆想計吾我人壽命也如來所行亦無所得亦不慳貪亦無所施亦不持戒亦不毀禁亦不忍辱亦不瞋恚亦不精進亦不懈怠亦不禪定亦不亂意亦不智慧亦不愚癡亦無有道亦不滅度亦無所安亦無衆患佛言梵天教化衆生使令精勤專修奉行所因精勤專修奉行當入斯法如本志願或有獲致道迹往來不還無著至於緣覺若復得入遠成無上正

及七

廿三

真之道至無爲度是爲梵天如來至真善權方便而爲衆生敷陳經典又彼菩薩當爲衆生善權方便興設大哀常以正法而將濟之何謂如來之所說者法無有眼亦無有耳鼻身口意亦復如是無有脫者所以者何眼者則空而無有吾亦無我所則悉本淨耳鼻口身意亦復如是彼則爲空便無有吾亦無我所則悉本淨佛言梵天是爲一切悉歸脫門有所歸趣爲之眩惑色聲香味細滑法其六事者亦復如是一切諸法皆悉爲空無想無願無起無滅亦無有住亦不不住所可謂者意不住生本淨自然憺怕寂寢佛言梵天如來一切悉以文字演爲脫門或以等御癡駭之句普順文字心常觀之爲眞諦教如來一切所可分別悉至解脫敢可說者悉誠諦句如來說經無有塵勞所演法者皆無解脫歸滅度也是爲如來所論典籍斯謂菩薩所當學者佛告梵天如來至真以何方便遵修

大哀而爲衆生講說法乎如來則以三十二事有所發遣而加大哀濟于衆生何謂三十二無有吾我於一切法令衆生類解信無身如來於彼而興大哀一於一切法衆生無受而反有人如來於彼興發大哀二一切諸法則無有命而衆生反計有命如來於彼興顯大

哀三一切諸法而無有壽而衆生反計有壽如來於彼興顯大哀四一切諸法爲無所有而衆生反計有處所如來於彼興顯大哀五一切諸法都無所依而衆生反有所倚著六一切諸法悉爲虛無而衆生反志有所樂七一切諸法悉無吾我而衆生反計有吾我八一切諸法悉無有主而衆生反專志貪受九一切諸法悉無可受而衆生反依倚形貌十一切諸法悉無所生而衆生反著於所生一一一切諸法悉無有沒而衆生反貪於生死二一切諸法悉無欲塵而衆生反沒溺塵垢三一切諸法悉無貪欲而衆生反爲所染汙四

一切諸法悉無瞋怒而衆生反懷挾結恨五一切諸法悉無愚癡而衆生反爲之迷惑六一切諸法悉無從來而衆生反樂倚所趣七一切諸法悉無所趣而衆生反依于終始八一切諸法悉無造行而衆生反務建所修九一切諸法悉無放逸而衆生反馳騁縱恣十二

一切諸法悉爲空靜而衆生反處於所見一切諸法悉無有相而衆生反相行爲上二一切諸法悉無有願而衆生反志于所僥三已爲遠離若干種事有所受著世俗所怙瞋怒結恨所獲患厭不與怨敵而集會也及諸不忍處於仁和四遵修顛倒爲世所習遊於邪徑則能棄除所生之處五彼則無有審道所趣則爲煩憒得于財利出俗所依則而志慕一切資業當以抑制諸無厭欲即使具足賢聖之貨信戒慚愧聞施智慧建立於此具足七財六吾謂衆生爲恩愛僕以無堅要爲堅要想財業家居妻子之娛便無有安所以

謂之爲恩愛僕衆生之類無有堅要爲堅固  
想當爲講說計有常者爲現無常七吾謂衆  
生求財利業則爲仇怨而反謂之爲是親友

吾爲造立顯親友行而爲蠲除勤苦之患究

竟滅度八吾謂衆生以反邪業各各處於若

干言教當爲講說清淨微妙無業之命分別

說法九吾謂衆生諸塵垢穢而見汙染於居  
家事多有患害擾攘之務而爲說法當令出  
去等度三界十二處於所作一切諸法因貪起  
住衆緣所處諸立之相衆生於彼而修懈廢  
當爲說法至聖解脫勸令精進度爲堅要而  
說經法悉使獲安又加於是而復反捨無礙

巍巍至不退轉爲衆生故而造立行佛說此  
大哀法門品時三萬二千人發無上正真道  
意三萬二千菩薩得不起法忍

## 持心梵天所問經卷第一

二十五

及七

持心梵天所問經卷第一

及七

陰蓋

上於翼從下慈

反眩

古堯

黠

閉八

羞

洒

洗

態

他代

名冠

下音

闡于

上音

觀許

燕居

上正

作宴

於

齧

音般

操

七

乘

音丙

安也

於

齧

音般

志也

逆

豕

或音

反駛

音丙

馬

奔

反

先擊

援

音干

願

音

勢

音毫

健也

反許

蹠

致音

顚

音毫

俊也

反許

而

反許

難問品第五

及八

西晉三藏法師竺法護譯

之慧最尊滅度至于下賤聲聞緣覺當爲顯  
示微妙之行如來因此則於衆生興闡大哀  
佛告梵天是爲三十二事如來開導順化衆  
生敷弘大哀斯爲如來謂行大哀佛告梵天  
若有菩薩奉行於斯三十二事合集大哀如  
是菩薩爲大士者名大福田爲大威神樂於